

Samir Suljević

Zastupnik u Skupštini Kantona Sarajevo

25. radna sjednica

Bosna i Hercegovina

Federacija Bosne i Hercegovine

Kanton Sarajevo

Skupština Kantona Sarajevo

n/r Sekretar Skupštine Kantona Sarajevo

Uputiti: Vlada KS, Ministarstvu kulture i sporta KS,

PREDMET: ZASTUPNIČKA INICIJATIVA

1. Da Vlada KS, zajedno sa Skupštinom KS, pomognu u funkcionisanju i radu Zemaljskog muzeja BiH, kroz određeno privremeno rješenje finansiranja iz Budžeta KS.

OBRAZLOŽENJE

Iz medija smo saznali da je institucija Zemaljski muzej BiH opet ostavljena bez ikakvih finansijskih sredstava iz Budžeta Bosne i Hercegovine, dok su i ona nedovoljna sredstva sa nivoa Federacije Bosne i Hercegovine i Kantona Sarajevo upitna i na čekanju.

U tom kontekstu, podržavam najavu resornog ministra kulture i sporta KS, da KS preuzme finansiranje najvećeg dijela potrebnih troškova za plate uposlenika, kao što je to uradila kada je u pitanju druga državna institucija od značaja za BiH - Akademija nauka i umjetnosti BiH, te iniciram da Skupština KS, na narednoj, 26. sjednici usvoji zaključak, kojim ćemo iskazati spremnost da potrebna sredstva obezbijedimo kroz rebalans Budžeta za 2020. godine.

Zemaljski muzej Bosne i Hercegovine je najstarija naučna i kulturna institucija u Bosni i Hercegovini, te jedan od najznačajnijih muzeja u regiji.

Kulturno naslijeđe koje se čuva u ovom muzeju dio je svjetske kulturne baštine, a neke od kolekcija su jedinstvene u svijetu.

Kao što je javnost itekako upoznata, ova institucija kulture preživljava bez riješenog pravnog statusa još od agresije na našu zemlju, a njeno kontinuirano finansiranje svi nivoi vlasti odbijaju preuzeti.

Nije teško shvatiti da snage koje ne vole Bosnu i Hercegovinu ne žele obezbijediti opstanak ovog muzeja, ali je teško shvatiti da one snage koje vole Bosnu i Hercegovinu izbjegavaju da pronađu barem privremeno rješenje za njegovo finansiranje.

Svjedoci smo u posljednjih nekoliko godina da Zemaljski muzej i pored otežanih okolnosti rada uspjeva napraviti velike stvari - saradnja sa Louvre muzejom i sa Smithsonian muzejom, te realizovani projekti sa različitim ambasadama u BiH, međunarodne nagrade, neizbrisivi trag u obrazovno-odgojnom procesu djece i mladih BiH itd., samo su dijelić argumentacije u prilog potrebe za očuvanjem i razvojem Zemaljskog muzeja BiH.

S poštovanjem,

Sarajevo, 18.05.2020.godine

Samir Suljević

Zastupnik u Skupštini Kantona Sarajevo